

lectandi causa, coëgerat. Is tabulis testamenti, a. 1614. conditis, praeter alia, memoria posterorum non indigna, ordinauerat, vt cimeliarchium suum, post vnici, quem reliquit, nati decessum, partim legati titulo, partim pretio aequo constituto, ad Serenissimum Principem atque Dominum suum transfret integrum. Mortuo illo, a. 1616. accepit tabulas Princeps optimus, atque vt firma staret viri voluntas, suis effecit iussis, Ser. EBERHARDO III. tandem Duce, postquam a. 1653. fatis concesserat filius Guthii *Ludouicus*, cimeliarchium, illud imprimis etiam selecta cum antiquorum, tum recentioris aevi numorum copia insigne, ad possessiones Cels. Domus transiit Wirtembergiae. Manu exscriptus adhuc seruator, Guthianorum, qui dicitur, numorum in Museo hoc, Catalogus, a. 1669. perfectus. Noua jam, Ser. EBERHARDI cura, cepit incrementa thesaurus praestantissimus. Versabatur hoc ipso anno in his terris Sagacissimus ille omnis antiquitatis perscrutator *Car. Patinus*. Certos nos faciunt de hac re indices numorum, Patini manu conscripti, quos Ducalis Numophylacii Bibliotheca conseruauit. Mentionem iniicit huius libri, vir litteratissimus *Anselmus Bandurius*, in Bibliotheca Numaria, quae praeclaro ipsius operi, de Numismatibus Imp. Romanorum praefixa est, p. 49. & in editione Fabriciana, p. 91. seqq. verbis: „*dum peregrinaretur, (Patinus) plera-*
Clemmii novae Amoerit. lit. fasc. I. B que